

# UKIUMOORTUMIK NALUNAAARUT 2025



Nunatta Atuagaateqarfia

# IMARISAI

## IMARISAI

|   |    |
|---|----|
| SIULEQUT.....                           | 3  |
| INGERLATSINEQ.....                      | 4  |
| SULEQATIGIIT KIFFARTUUSSISUT .....      | 8  |
| ATUKKIUSSANUT KISITSISIT.....           | 8  |
| SULEQATIGIIT SAMMISASSAQARTITSISUT..... | 10 |
| SULEQATIGIIT NUNARPUT .....             | 16 |
| SULEQATIGIIT GROENLANDICA .....         | 17 |

# SIULEQUT

Ukiumoortumik nalunaarusiami matumani Nunatta  
Atuagaateqarfia kisimi pineqarpoq. Imarivai Suleqatigiit  
Groenlandica, Suleqatigiit Nunarput, Suleqatigiit  
Kiffartuussisut Suleqatigiillu Susassaqartitsisut  
ilanngussaqaarlutik.

# INGERLATSINEQ

## Anguniagassatut takorluukkat

Nunatta Atuagaateqarfia suliffeqarfiuvoq pitsaassutsimik suliamillu piginnaasaqarnermik pingaartitsilluni inuiaqatigiinni pisunik malinnaasoq.

Oqaatsinik, kulturimut kinaassutsimullu tunngasunik ataqqinnilluta atuarusulersitsinermik, nutaaliorinnaanermik ilikkagaqarusussuseqartuarnissamullu siuarsaavugut.

## Ammasarfiit

Ataasinngorneq, marlunngorneq sisamanngorneq nal. 12-18. Pingasunngorneq tallimannornerlu nal. 10-16. Arfininngorneq nal. 11-14.

Aasaanerani ammasarfiit juulip 16-anni atulertut, septembarip aallaqqaataata tungaanut atuullutik. Ataasinngorneq, marlunngorneq sisamanngornerlu nal. 13-17. Pingasunngorneq tallimannornerlu nal. 10-16. Arfininngornermi matoqqasarpoq.

## Aaqqissuussaananermik ineriartortitsineq

Sulisut ukiumut marloriarlutik ulloqartinneqarneranni Maria Motzfeldt aaqqissuisutut peqatigineqarpoq. Sulisut ulluanni siullermi anguniagassatut takorluugaq saqqummiunneqarpoq sulisullu ulluata tulliani attaveqatigiinnermut malittarisassanik suliaqarluta.

Suleqatigiinnut allanut qanimut suleqataasaneq unitsinneqarpoq pisariaqarfiitigullu suleqatigiissitaagallartunik assigiinngitsunik

aallartitsisalerluta.

Saaffiginnittarfik sulisooreersumik saaffiginnittarfimmi aqutsisortaarpoq, suliassanik agguaassisarnermik vagtiusussanillu pilersaarusionermi ataqatigiissaarinermik suliaqartartussamik pisariaqartitsisoqarmat.

Nunatta Atuagaateqarfiata nittartagartaavata ineriartortinneqarnissaanut suleqatigiissitaq 6-inik ilaasortalik pilersinneqarpoq. Nittartagaq kalaallisut qallunaatullu oqaasertaqarpoq. Kiffartuussinerit pingaarutillit taamaallaat tuluttoortaqarput.

Juunip 26-anni ukiumoortumik sulisut nunarsuarmi anguniakkat pillugit sammisaqaqatigiisinnaarput.

Meeqqat kingusinaarlutik utertitsisut akiliisinneqartarunnaarput.

Qallunaat Nunaannut nunanullu allanut atorni- arneq atuisunut akeerutsinneqarpoq.

Suliffeqarfik nuffasinnginnissamut kapitinnissamut akiliinissaminik neqerooruteqarpoq.

## Illu

Pequsivik imermik innarlerneqarpoq.

Unnuami atuagaateqarfiup eqqaani paasoqarnerata kingorna illup isaariaata igalaartaa aserorneqarpoq.

## Aningaasaliissutit

Nunatta Atuagaateqarfianut 16.290 mio. kr.-t aningaasaliissutaapput.

|                    | 2023   | 2024   | 2025   |
|--------------------|--------|--------|--------|
| Aningaasaliissutit | 16.046 | 16.324 | 16.290 |

## Sulisut

Nunatta Atuagaateqarfiata sulisui, Groenlandicami sulisut ilanngullugit, assigiinngitsunik suliaqarlutillu suliaminni atuuffeqarput. Tamakerlutik Nunatta Atuagaateqarfiata ilisimasati-

gut kulturikkullu ulluinnarni qaammarsaanermik suliaqarnerannillu ikorfartuisuupput. Nunatta Atuagaateqarfiani sulisut katillutik 22-upput.

### Tulliuttut tassaapput Nunatta Atuagaateqarfiani sulisutut atuuffiit assigiinngitsut assersuutaat:

- Atuagaateqarfimmi pisortaq
- Atuagaateqarfimmi siunnersorti
- Suleqatigiinnut aqutsisut
- Atuagaatilerisut bibliotekarit
- atuagaateqarfimmi ikiortit
- Misigisassanik pilersitsisartaq
- Attaveqatigiinnermi suliaqartaq
- Allaffeqarfimmi aqutsisoq
- Allaffimmi fuldmægtigi
- Overassistenti
- TNI-mi ilinniartaq
- Århus Universitetimit suliffimmik misiliisoq
- Inuussutissarsionermi suliffimmik misiliisoq Nummeersoq

## Pikkorissarnerit isumasioqatigiinnerillu

- Suleqatigiinni sammisassaqartitsisuneersut marluk Københavnimi aviiseeqqanut nangeqattaartunut tunngasumik paasisassarsioqatigiinnermut peqataapput.
- Atuagaateqarfimmi pisortaq ukiuimortumik atuagaateqarfiit pisortaasa peqatigiiffiata ataatsimeersuarneranni ataatsimiinnerannilu peqataavoq.
- Atuagaatilerisoq folketingip atuagaateqarfianeersaq Nunatta Atuagaateqarfiani qaammatini pingasuni paarlaasseqatigiinneq atorlugu sulivoq.
- Sulisoq sulinermi tarnikkut atukkanut avatangiisit pillugit isumasioqatigiinnermut peqataavoq kingornalu sulisut ataatsimiinneranni saqqummiilluni.
- Nunatta Atuagaateqarfiata Kasper Skifte Oqaasiliortunut ilaasortassatut innersuussutigaa.
- Atuagaatilerisut marluk Groenlandicameersut Fælles Bibliotekssystem pillugu internet aqqutigalugu isumasioqatigiinnermut peqataapput.
- DBC-imik paasisutissiinnermut ullorititaq: Ujaasinerimik, AI-imik atuagaateqarfimmilu datanik ineriartortitsinnermut paasisutissat aamma Bibliotek.dk, Netpunkt.dk aamma Faktalink pillugit nutaarsiassat kingulliit. 29.01.2025-mi Kirsten peqataavoq.
- Paasisutissanik nalunaarsuisartunut attaveqaatit nutaat aamma populærseriat pillugit internet aqqutigalugu isumasioqatigiinneq. Maajip 12-anni 2025-mi Avijaja Kirstenilu peqataapput.

## NITTARSAASSINEQ & INGERLATITSEQQIINEQ

### Tusagassiutit

Februaarip 21-anni 2025-mi nunarsuarmi anguniakkanik anguniagalittut akuersissuteqalersimaneq pillugu attaveqatigiinnermik sulialik KNR-radiup aallakaatitassiaanit Nunatta Nipaanit apersorneqarpoq.

Maajip 6-ianni suleqaterput Minik Lyngø atuakkiortup Dothe Nathanielsenip malunnartitsinneqarnissaa pillugu KNR-radiup aallakaatitassiaanit Nunatta Nipaanit apersorneqarpoq.

Maajip 15-ianni suleqaterput Minik Lyngø atuagaateqarfimmiittuutisiaqartarneq pillugu KNR-radiup aallakaatitassiaanit Nunatta Nipaanit apersorneqarpoq.

Juunip 11-anni Repair Café Nuuk pillugu attaveqatigiinnermik sulialik KNR-radiup aallakaatitassiaanit Nunatta Nipaanit apersorneqarpoq.

Septembarip aappaanni attaveqatigiinnermik sulialik aasaanerani pisussatut aqqissuussimasat aamma aqqissuussat piimaartussat pillugit KNR-radiup aallakaatitassiaanit Nunatta Nipaanit apersorneqarpoq.

Oktobarip 8-anni suleqaterput Henriette Christensen suliffini pillugu KNR-radiup aallakaatitassiaanit Nunatta Nipaanit apersorneqarpoq.

| Takoqqusaarutit |               |
|-----------------|---------------|
| AVIISIT         | AMERLASSUSIAT |
| Sermitsiaq      | 1             |
| Nuuk Ugeavis    | 25            |
| Ialt            | 26            |

## Inoqatinut attaveqaatit

2025-mi Nunatta Atuagaateqarfiata atuakkanik siammarterinermut, aaqqissuussinernut, atuakkanik innersuussinernut, kiisalu atorfilittassarsiornernut assigiinngitsunillu paasissutissiinernut pingaarutilinnut inoqatinut attaveqaatit annertuumik atorsimavai. 2025-mi Facebookikkut 161-inik allaaserisaqarpugut 40-nillu pisussatut aaqqissuussanik avitseqateqarsimalluta. Siunertalimmik suliarisimavagut, taamaalilluta

malinnaasutsinnut piffissani taakkunani pisut suliarisimallutigit.

Malinnaasut amerlassusaat, allaaserisat takuneqarsimaneri aamma allaaserisat qanoq amerlatigisut atuisunit akuliuffigineqarsimaneri ukiup siulianut sanilliullugit annertuumik amerleriarsimammata sulisimanitsinni tunissutisiaraarput.

Facebookimit kisitsisit (Januaarimi 2025-mit decembarip 31-anni 2025-mut tigusat)



## SULEQATIGIIT KIFFARTUUSSISUT

### ATUKKIUSSANUT KISITSISIT

Uani atugassatut pigisat atukkiussassallu kisitsisai takuneqarsinnaapput.

|                               | 2023          | 2024          | 2025          |
|-------------------------------|---------------|---------------|---------------|
| Atugassatut pigisat           | 56.561        | 55.147        | 43.974        |
| Atukkiussat                   | 13.354        | 14.018        | 13.228        |
| eReolenikkut atukkiussat      | 4.528         | 5.849         | 5.783         |
| Filmstribenimut atukkiussat   | 2.192         | 1.564         | 1.591         |
| <b>Atukkiussat katillugit</b> | <b>20.074</b> | <b>21.431</b> | <b>20.602</b> |

Pigisat: 43.974 -it. Taakkunannga kalaallisut allassimasut pigisat: 20.630-t (2026-mi januaarip aallartinnerani). 2025-mi kalaallisut allaqqasut

2.083 -it atukkiunneqarsimapput. 2024-mi atugassaatigineqartunit atugassaajunnaarsinneqartut 11.173-iupput.

## @Reolen

Nunatta Atuagaateqarfia atuakkanik qarasaasiarmiunik, naalaagassianik filminillu isissutissanik Kalaallit Nunaat tamakkerlugu periarfissiivoq.

### 2025-mi eReolenimi atukkiussat

|                               | 2023         | 2024         | 2025                |
|-------------------------------|--------------|--------------|---------------------|
| Atuakkat qarasaasiarmiut      | 1.622        | 1.848        | 1.728               |
| Atuakkat naalaagassiat        | 2.778        | 3.780        | 3.803               |
| aallakaatitassiat Podcastit   | 128          | 221          | 252                 |
| <b>Atukkiussat katillugit</b> | <b>4.528</b> | <b>5.849</b> | <b><u>5.783</u></b> |

eReolenimi atukkiussanut aningaasartuutit katillutik 54.573,92 koruuniupput (2024-mi 51.990,94 kr.).



| 2025-mi filmstribenimi atukkiussat |       |                     |
|------------------------------------|-------|---------------------|
|                                    | 2024  | 2025                |
| Filmit atukkiussat                 | 1.564 | 1.591               |
| <b>Katillugit:</b>                 |       | <b><u>1.591</u></b> |

Filmit aliikkutassiat pointinik sisamanut naatsorsugaapput.

Filmstribenimi atukkiussanut aningaasartuutit katillutik 27.068 koruuniupput (2024-mi 28.278 kr.).

2025-mi atuakkat atuaruminartut nutarteriffigalugit annertuumik suliaqarpugut. Massakkut inissititernerit "atuarnialeqqaanoorput" aamma alloriarnerit 1-4-moorlutik. Atuarnialerlaanut atuakkat tamarmik nutaanik ilisarnaateqarput immikkullu qalipaatersugaallutik. Atuarnialeqqaanut ilisiviit qulaannut aamma ilitsersuut plakati nivinngarnikuuvoq.

Inuusuttunut atuagaateqarfik qulaanut atuagaatilerisup nerriviata talerpiata tungaanut nuunnikuuvoq. Inuusuttunut atuagaateqarfimmi eqqissiviillortoqartarunnaarpoq inuusuttunullu atorniartartutsinnut toqqissisimanarnerulerluni.

Kalaallisut atuakkat inersimasunoortut tamarmik igalaap eqqaanut aqqusinermut sammisup eqqaanut ataatsimoortinneqareersimalerput. Ataatsimoortillugit inissinneqarsimani siornatigornit pitsaanerungaarpoq. Titartakkat nangeqattaartut qallunaatuut atuagaatilerisup nerriviata eqqaani inissisimaffeqalerput inuusuttunullu atuagaateqarfimmut anginerulersitsinera aamma pitsaanerumik ataqatigiissaarinermik pilersitsivoq.

## Eqqaasariaqakkat allat

Matu Security qulingiluariarluni aggersarneqarpoq. Pingasut iseqqusaajunnaarallarnerminnik allagarsisinneqarput. Meeqqeriviit atuarfiillu 20-t missaanniittut ammasarfiit avataatigut atuagaateqarfimmiupput.

Silarlunnera pissutigalugu ullup affaa matoqqanikuuvugut aqqusinermilu gassimik aniasoqarnera pissutigalugu ullup affaa matoqqasimalluta.

## SULEQATIGIIT SAMMISASSAQARTITSISUT

### Pingaarnertit

Suleqatigiinnut Sammisassaqaqtitsisunut ukioq 2025 ulapaarfiusimavoq. Ataasiakka-anik aaqqissuussinernik 26-nik assigiinn-gisitaartunik aamma aaqqissuussinernik nalinginnaasunik aalajangersimasunik 19-inik aaqqissuussisimavugut. Tamarmik katillugit Nuummi innuttaasut 2.100-nik amerlanerusut nuannisarsimapput. Tamatuma saniatigut meeqqanut atuagaateqarfimmi meeqqat pingasunngornerit tamaasa nutaaliorlutik ass-assortinneqartarnertik nuannarisarpaat.

Ukioq kaajallallugu piffissaq tamakkerlugu marlunnik sulisoqarpugut kiisalu ukioq tamangajaat suliffimmik misiliisumik sulisoqarluta, taamaattumik isumannaalluartumik toqqis-sisimanarluartumillu sulisoqarsimalluta. No-vembarimi sammisassaqaqtitsisutut sulisorput illoqarfiup avataanut nuuppoq, illoqarfiulli avataanit internet aqqutigalugu atuakkanik avammut paasisutissiilluni nittarsaasartutut sulinini ingerlateqqillugu. Suleqatigiinni su-liassat aalajaatsumik ingerlanneqarnerannut aaqqiissut iluaqutaavoq.

### Aaqqissuussat annertuut

Ukioq pisarnitsitut aallartipparput Unnuk Kultu-risiorfik Piitannguaq Alaufesen The Páhængs-motorsikkullu aliikkusersuisoralugit Nuummilu innuttaasut 1.100-1.200 missaanniittut nuan-naarutissillugit.

Februaarimi nunarsuarmi anguniakkat pillugit siullerpaamik ulloqartitsivugut, siunissamilu piujuaannartitsiniarnerup aqqani sammisaqar-titsinerit saqqummiisitsinerillu ukkataralugit

pisoaqtitsisarumaarluta. Siullermeersumik atuagaateqarfimmi nunarsuarmi anguniakkat pillugit ulloqartitsigatta pingasunik saqqum-miisitsivugut, Pinngortitaleriffimmeersumik, Kalaallit Nunaanni Brugsenimeersumik Homoholdimeersunillu saqqummiisoqarluni. Inuusuttunut atuagaateqarfimmi lvalu Skifte-La-bansen atoqqiilluarsinnaaneq tunngavigalugu mersornermik paasisassarsioqatigiinnermik ingerlatsivoq aamma meeqqanut atuagaateqar-fimmi atuakkanik igiinnagassaraluanik meeqqat eqqumiitsuliamik nunarsuaq tamakkerlugu anguniakkanut tunngasumik eqqumiitsuliorput, meeqqanut atuagaateqarfiup iigaani kus-anaqutaasumik.

Oktobarimi atuagaateqarfik Suialaa Arts Festi-valertoqarnerani (siornatigut Nuuk Nordisk Fe-stival) peqataavoq. Tassani ilaatigut meeqqanut atuagaateqarfimmi sammisaqaqtitsivugut sumiiffimmilu allami aaqqissuussamat peqata-alluta. Atuagaateqarfimmi zinelioriaatsinik sam-misaqaqtitsivugut, kulturikkut silassorissuseq pillugu paasisassarsioqatigiissitsilluta, Saamit nipilersortarnerat pillugu paasisassarsioqatigiis-sitsilluta, kiisalu Wilbur Sargunaraj meeqqanut tusarnaartitsilluni. Festivalerneq tamakkerlugu inersimasunut atuagaateqarfimmi Frederik ”kunngi” Kristensenip suliaanik saqqummer-sitsivugut aamma festivalerneq aallartillugu atisaarniarfimmi Inuit Quality Clothingimi taallia-anik atuffassisoqarpoq.

Uagut nammineq aaqqissuussatta saniatigut Arctic Art Book Fair Nuutoqqap/Nuummi kater-sugaasiviup illutaani ingerlanneqartumi suleqa-tigivarput. Tassani sulisunik taakaniitsitsinikkut kiisalu kalaallit atuakkiaannik ilisimasalittut saqqummersitsinermilu tapersiilluta suleqata-avugut.

## Nunatta Atuagaateqarfia ukiumoortumik atuakkiortumik malunartitsisarnera

2025-mi ukioq kaajallallugu pingasunnornerit tamaasa meeqqanut atuagaateqarfimmi nutaaliarluni sulliveqartitsisarnerput ingerlateqqipparput – Suleqatigiit Kiffartuussisut qanimut suleqatigalugit.

2025-mi filmertitsisarnerput aalaakkaasumik pilersipparput, qaammammut ataasarluta piviusulersaarummik filmertitsisarluta popcorninik kaffinillu akeqanngitsumik aamma inoroorsaartarluta. Periuseq taana allaffissornikkut ingerlanneqartarnermigu gullu ajornaatsuuvoq aamma nuannarineqarlualunilu peqataaffigineqarlualunilu.

Juunimi filmip BLOK 5-ip immikkut takutinneqarnissaanut saqqummiisussanut akiliuteqalaarnissarput toqqarsimavarput inunik filmiliariteqataasunik oqallissaarummik saqqummiisitsinerput pissutigalugu. Ini tusarnaariartunik ulikkaavippoq.

Kiisami februaarimi 2025-mi illoqarfimmi innuttaasunut igitassaraluanik aaqqisuussisinaanermik aalaakkaasumik periarfissaqartitsilluta Repair Caféertitsisarnerput neqeroorutitut ammarparput. Kajumissutsimik ikiuuttartut tallimat aalajangersimasut peqatigalugit qaammatikkaartumik aaqqissuisarfeeraq ammatitparput, aaqqissugassat annertunerusut annikinnerusullu aaqqissorneqartarlutik. 2025-mi 59,5 kilot atortut atisallu aaqqissuuppagut.

## Avataanit saaffiginnissutit

Avataanit saaffiginnissutitut sapinngisamik amerlanerpaanut akuersaarluta periuseqartarnerput ingerlateqqipparput. Atuagaateqarfimmi piffissaq ulapaarfiusoq pissutigalugu saaffiginnittut ilaat itigartittariaqarsimavagut. Allallu Nuummi innuttaasunut soqutiginaateqanngitsut

pingaaruteqanngitsullu nalilersuineq tunngavigalugu itigartinneqarsimapput.

Sapinngisamik sumiiffigisatsinneersunik suleqatigisinnaasatsinnik suleqateqarnissarput pingaarnertittarparput, innuttaaqatigiinneq avatangiiserisarlut puijuaannartinniarnissaat tapersersorniarlugu.

Illoqarfitsinni najugaqartunik suleqateqarnissarput sapinngisamik salliutittarparput, inuit inooqatigiinnerat avatangiisillu puijuaannartinneqarnissaa tapersersorlugit. Taamaattumik Nunatta avataaneersut saaffiginnittut Nuummukarnermikkut unnuinissaminnillu namminneq akiliiniartut kisiisa akuerisarpavut.

## Atuakkialerineramik paasisutissiilluni siammarterineq

Ukiup ingerlanerani suleqatigiit atuakkialerineramik paasisutissiillutik siammarterisarnermikki internet aqqutigalugu siammarterinerunissamik ineriartortitsineq ukkataringaatsiarsimavaat, ilaatigut atuagaateqarfiup nittartagartaava inoqatinullu attaveqaatit aqqutigalugit.

Suleqatigiit atuakkialerineramik paasisutissiilluni siammarterineremi atuagaateqarfiup internetimut attaveqaataa aqqutigalugu toqqaannartumik uummaarissumillu ingerlatsisarnissaq ukkataringaatsiarsimavaat. Ukiup aallartinnerani suleqatigiit inoqatinut attaveqaatigiittarfiit pillugit nutaamik periusissiorlutik ineriartortitsisimapput, apriliimi aqutsisooqatigiit akuersissutigisimammassuk. Tassani kalaallit oqaasii atorlugit saqqummersitanik atuakkianillu atuinerup nukittorsarnissaa sammeneqartorujussuuvoq, tassami sammisami tassani susassaartut ikittuararsuummata.

Taamaattumik aalajangersimasunik ilusilikkani

aralinnik pilersitsisimavugut, soorlu atuagaatilerisut atuakkanik innersuussisalersimasut meeqqanullu atuakkiat pillugit aalajangersimamumik sammisamik takusassiisoqartalersimasoq. 2025-mi ukiakkut piffissarujussuaq atorlugu aalajangersimasunik ilusilikkanik arlalinnik suliaqarpugut, 2026-mi ingerlaavartumik atuutilersinneqartussanik. Suliffeqarfitsinni atuagaatilerisut tamarmik peqataatillugit pitsaasumik atuakkialerinemik paasisutissiilluni siammarterisarnerup ukkatarineqarnera suliat ataatsimoorutigivaat.

## **Kulturikkut attaveqaatit**

2025-mi Suialaa Arts Festivalip piareersarnerarnerani programiliortut gruppiata ataatsimiitarnerninut tamanut oktobarimi ingerlanneqarnissaata tungaanut peqataasimavugut.

Aamma kommunip kulturikkut attaveqaataanut peqataalluarsimavugut, tamannalu ulluinnarni sulinitsinnut annertuumik iluaqutaavoq. Tamannami pillugu kulturilerisut ataasiakkaat ilisarimalersimavagut. Tamatuma saniatigut illoqarfimmi kulturikkut inuuneq qanoq pisoqarfiusarnersoq annertuumik paasisaqarfigisarparput.

Illoqarfimmi kulturikkut suliaqartunut allanut attaveqarlualersimavugut aammalu aaqqissuusinernik ingerlatsinitsinni taakku eqqarsaatigikualalersimallugit..

**2025-mi aqqissuussanut allattorsimaffik**

| Ulloq         | Aqqissuussaq  | Saaffigisat                  | Isertut |
|---------------|---|------------------------------|---------|
| 11. januaari  | Meeqqanut atuagaateqarfimmi sermip iigartartup ullua  | ALLE                         | 30      |
| 15. januaari  | Oqaluttualiorneq pillugu paasisassarsioqatigiinneq  | INUUSUTTUNUT + INERSIMASUNUT | 5       |
| 18. januaari  | Unnuk kulturisiorfik  | ALLE                         | 1.150   |
| 13. februaari | Repair Café pillugu kajumissutsimik ikiuuttartunik ataatsimiisitsineq                                   | INERSIMASUNUT                | 10      |
| 22. februaari | Repair Café pillugu kajumissutsimik ikiuuttartunik ataatsimiisitsineq                                   | TAMANUT                      | 70      |
| 27. februaari | Repair Cafémik ammatitsineq   | TAMANUT                      | 8       |
| 1. marsi      | APUT pillugu sammisaqartitsineq   | MEEQQANUT                    | 50      |
| 4. marsi      | Qilaappalimik atuffassineq – Atuffassisoq: Viktoria Joelsen   | INERSIMASUNUT                | 15      |
| 18. marsi     | Filmertitsineq: Twice colonized   | INERSIMASUNUT                | 15      |
| 27. marsi     | Repair Café   | TAMANUT                      | 10      |
| 12. aprili    | Påskimut qiortaatitsineq  | TAMANUT                      | 30      |
| 16. aprili    | Filmertitsineq: Angry Inuk (Suialaa Arts Festival suleqatigalugu)                                       | INERSIMASUNUT                | 20      |
| 24. aprili    | Repair Café   | TAMANUT                      | 10      |
| 29. aprili    | Filmertitsineq: Håbets ø  | INERSIMASUNUT                | 15      |
| 13. maaji     | Filmertitsineq: Byen ved verdens ende   | INERSIMASUNUT                | 10      |
| 22. maaji     | Repair Café   | INERSIMASUNUT                | 10      |
| 27. maaji     | Uilu Pedersen, Lisathe Møller Eva Møller Thomasenilu peqatigalugit atuakkiortunik unnussiuuaaqateqarneq | INERSIMASUNUT                | 30      |
| 31. maaji     | Pinerluttunik paasiniaanerup ullua  | ILAQUTARIINNUT               | 75      |
| 17. juuni     | Filmertitsineq aamma Anders Berthelsen Klaus Georg Hansenilu peqatigalugit BLOK 5 pillugu oqallinneq    | INERSIMASUNUT                | 50      |

|                    |   |                              |                    |
|--------------------|---|------------------------------|--------------------|
| 24. juuni          | Unnukkut magic-kortinik pinnguarneq   | TAMANUT                      | 12                 |
| 26. juuni          | Repair Café   | TAMANUT                      | 20                 |
| 9. juli            | Aasaanerani immamut aalisakkanullu tunngasunik sammisaqartitsineq   | TAMANUT                      | 30                 |
| 19. august         | Filmertitsineq: Tsumu   | INGERSIMA-SUNUT              | 10                 |
| 28. august         | Repair Café   | TAMANUT                      | 10                 |
| 4.-6. september    | Illussanik titartaanermik All About A peqatigalugu paasisassarsioqatigiinneq (ulluni marlunni klassit arfininngornermilu ammanerup nalaani tamanut) | ATUARFINNUT + ILAQUTARIINNUT | 25 +<br>21 +<br>25 |
| 9. september       | Sexologip Yasmin Foxip oqalugiarnera  | INERSIMASUNUT                | 15                 |
| 16. september      | Filmertitsineq: Magisk mudder   | INERSIMASUNUT                | 10                 |
| 25. september      | Repair Café   | TAMANUT                      | 8                  |
| 30. september      | Jan Hansenip Helle Rabøllilu oqalugiarnerat nipilersornertalik  | INERSIMASUNUT                | 35                 |
| 14. oktober        | Filmertitsineq: Into the Ice  | INERSIMASUNUT                | 37                 |
| 22. oktober        | SUIALAA: Taallanik atuffassineq   | INERSIMASUNUT                | 15                 |
| 24. oktober        | SUIALAA: Arctic Art Book Fair peqatigalugu Zine-lioriaatsimik sammisaqatigiinneq  | TAMANUT                      | 15                 |
| 24. oktober        | SUIALAA: CQ sammisaqatigiinneq  | TAMANUT                      | 4                  |
| 25. oktober        | SUIALAA: Cricketimik sammisaqatigiinneq   | TAMANUT                      | 10                 |
| 25. oktober        | SUIALAA: CQ meeqqanut tusarnaartitsineq   | ILAQUTARIINNUT               | 35                 |
| 30. oktober        | Repair Café   | TAMANUT                      | 4                  |
| 11. + 13. november | NAPA Nordiska Bokslukarenilu suleqatigalugit bogsluger pillugu isummersoqatigiinneq   | ILINNIARTUNUT                | 10                 |
| 18. november       | Filmertitsineq: Eskimo Diva   | INERSIMASUNUT                | 47                 |
| 19. november       | Allatta!-unnuk ajugaasut peqatigalugit (NAPA suleqatigalugu)  | INERSIMASUNUT                | 25                 |

|              |   |                |    |
|--------------|---|----------------|----|
| 27. november | Repair Café                                   | TAMANUT        | 10 |
| 29. november | Ilaqutariinnut qiortaatsineq                  | ILAQUTARIINNUT | 42 |
| 16. december | Filmertitsineq: SUMÉ – lyden af en revolution | INERSIMASUNUT  | 21 |

## 2025-mi saqqummersitsinernut allattorsimaffik

| Ulloq           | Aaqqissuussaq   | Saaffigisat   |
|-----------------|---|---------------|
| Juuli - aggesti | Hans Enok Ottosenip titartagai                              | INERSIMASINUT |
| Oktoobari       | Frederik "kunngi" Kristensen pillugu saqqummsertitsineq     | INERSIMASUNUT |
| Decembari       | Meeqqanut atuagaateqarfimmi LEGO-nik juullimi illoqarfiliaq | TAMANUT       |

## SULEQATIGIIT NUNARPUT

### Toqqorsivimmiittunut allattorsimaffik

Nunatta Atuagaateqarfiata atuakkanik toqqorsivimmiittussanik immikkoortitsisarnini unitsippaa. Tamatumunnga tunngavigineqarpoq atuakkat toqqorsivimmiittut pisiarineqarpallaartanngin-neri. Taamaakkaluartoq Nunatta Atuagaateqarfiata toqqorsivimmiittuutaanik atuakkanik pisiniartoqarsinnaajuas-saaq.

Ukiup siulianut 2024-mut sanilliullugu kalaallisut atuakkanik pisineq 2025-mi annikinneruvoq, tamatumunnga pat-sisaavoq aningaasaqarnikkut sipaarni-artoqarsimanera.

## Nunatta Atuagaateqarfia- ta ukiumoortumik atuak- kiortumik malunnartitsi- nera

Atuakkiortoq Dorthe Nathanielsen (1934-2015) malunnartinneqarpoq. Dorthe Nathanielsenip atuakkiortutut inuttullu inuunera ilisaritinneqar-put. Dorthep atuakkiaanik taalliaanillu atuffass-isoqarpoq, nipilersortunillu akunniliisoqarluni.

Maajip qaammataani Dorthe Nathanielsen pillugu Nunatta Atuagaateqarfiani saqqummer-sitsisoqarpoq, saqqummersinneqarlutik Dorthe Nathanielsenip assaminik allagai, taalliai, assit, atuakkiai atuakkallu peqataaffigisimasai.

## Atuagaateqarfimmiittuuti- siaqartitsisarneq

Ukiut siuliinisut 2025-mi 1.170.000 koruunit atuagaateqarfimmiittuutisiassatut Inatsisartut aningaasanut inatsisaanit immikkoortinneqarsi-mapput.

Atuagaateqarfimmiittuutisiaqarusullutik qin-nuteqarsimasut 79-iupput. Ukiup siulianut na-leqqiullugit qinnuteqartut ikinnerupput, 2024-mi qinnuteqartut 84-iusimagamik.

## SULEQATIGIIT GROENLANDICA

Groenlandicap nunarput inuilu pillugit atuagaateqarfiusup nunatsinni saqqummersinneqarsimasunik aammalu nunatta aavataani kalaallisut saqqummersinneqarsimanersunik katersineq, nalunaarsuineq kinguaassatsinnullu piujuaannartitsineq pingaarnertut suliassarivai.

Nunap inuisalu eriagisassatut katersugaataannut tunniussisussaataitaneq aqqutigalugu aammalu ilisimatusarnermut tunngasunik katersilluni pisiniarnikkut katersineq ingerlanneqartarpoq. Saqqummersimasut tamanit ujarneqarsinnaangortinniarlugit nalunaarsuineq ingerlanneqartarpoq ininilu ikuallattoornissamut isumannaallisakkani marluusuni immikkoortillugit kinguaassatsinnut piujuaannartussangortinniarlugit inissinneqartarlutik.

### Tunniussisussaataitaneq

Atuagaateqarfiit pillugit Inatsisartut inatsisaat malillugu Nunatsinni saqqummersitat tamanut saqqummersinneqarsimasut tamarmik tunniunneqartussaapput. Tunniunneqartussaataitasut Groenlandicap nunap inuisalu eriagisassatut katersugaataannut inissinneqarsapput, Nunatta avataani saqqummersinneqarsimasut kalaallisut allatat ilanngullugit.

2024-mi tunniussisussaataitaneq pillugu paasisiniaanerput ukiunut siuliinut sanilliullugu saqqummersitat tigumasagut amerlisimanersut suli nalunarallarpoq. Aamma ukiut tamaasa qanoq amerlatigisunik saqqummersoqartarneranit aallaaveqarpoq.

2025-mi saqqummersitat 127-t pissarsiarine-

qarsimapput. Groenlandicap saqqummersitat nakkutigai, ima paasillugu DBC-imi (Dansk Biblioteks Center) sapaatip akunneranut saqqummertut allattorsimaffiannik misissuisarpugut, atuagaarniarfiit saqqummersitaannut allattorsimaffik misissortarparput, kalaallit aviisii misissortarpagut aamma saqqummersitsiviit namminerlu saqqummersitsisut toqqaannaq attaveqarfigisarlugit.

### Aviisit atuagassiallu

Aviisit atuagassiallu Kalaallit Nunaanni saqqummersinneqartartut ikilinerusimapput. Ilaasa saqqummersitsisarnertik unitsippaat – allat internet aqqutigalugu saqqummersitsisalersimapput. 2025-p naanerani Atuagagdluutit immikkut aviisinnorlugit naqiterneqassaarput. Aviisit atuagassiallu allatat poortoqqillugit aallartipagut, taamaalillutik immikkoortuni marlunni aamma tammatsaalineqarlutik.



## Atorniagassaatingineqartut

Groenlandica tunniunneqartussaaitaasut saniatigut ataatsimik atorniarneqarsinnaasumik pisisarpoq. Erseqqissaatigeqqinneqassaaq tunniunneqartussaaitaasut tamakkerlugit atugassanngortinneqanngisaannarmata.

Kalaallit Nunaata avataani kalaallisut allaqqasunik atuakkanik saqqummersitsisoqaraangat Groenlandicap aamma sisamanngorlugit pissarsiarisarpai. Pingasut nunap inuisalu eriagisassatut katersugaataannut ilineqartarput ataaserlu atorniagassanngortinneqartarluni.

2025-mi atuakkat annillugit atorneqarsinnaasut 182-it pisiarineqarsimapput. Groenlandicap ukiuni arlalinni atuagaarniarfik Atuagkat suleqatigisimasaa ajoraluartumik 2025-mi matuvoq. Tamatuma kingunerisaanik saqqummersitanik nutaanik ujaasisarneq annertusinikuuvoq aamma atuakkanik pisisarnerup qanoq ingerlasarnissaanut najoqqutassianik suliaqarsimavugut.

Atuagaateqarfimmi inimi ammatitamiit-tut saqqummersitat, aviisit atuagassiallu 28.734-upput.

## Atorniarneqarsinnaasut amerlassusii

Nunatta inuillu eriagisassatut katersugaataanniittut saqqummersitat kulturik-kut eriagisaammata atorniarneqarsinnaajunnaarsinneqarnissaat aalajangernikuuarput. Atuagaateqarfimmiittulli atuarneqarsinnaapput atuisullu namminneq kopeerisinnaanerat periarfissaavoq imaluunniit Nuup avataaniittut atuagassaannik kopeerisussinnaallutigut. Groenlandicap saqqummersitat atuisunit anninnagit atuarneqarsinnaasut nalunaarsorlugit aallartippai. Nunap inuisalu eriagisassatut katersugaataanniittut annillugit

atoqqusaanngitsut qulequttat 49-t tamaani atuarneqarsimapput, aamma atuakkani anniseqqusaanngitsuniittuni quppernernik immikkoortunilluunnit kopeerisoqartarpoq.

Aviisit, atuagassiat najukkamilu aviisit aamma angerlaallugit atorneqarsinnaajunnaarput. Taamaaliornikkut kikkut tamarmik assigiimmik saqqummersitanut atuarnissaminnut periarfissaqalerput. 2025-mi saqqummersitat atorneqarsinnaasut 685-iupput.

## Paasissutissanik nalunaarsuineq

2025-mi nalunaarsukkat katillutik 111-upput, taakkunani 42-t Groenlandicamit nalunaarsorneqarsimallutik. Taakku saniatigut nalunaarsoriikkat 345-t naqqiissuteqarfigineqarlutillu nutarterneqarput. Imaassinnaavoq paasissutissanik nalunaarsuinnermut malittarisassat allanngorsimasut imaluunniit paasissutissanik nalunaarsuineq atuagaateqarfiup atortorissaarutaa nutaannginnerusoq atorlugu ingerlanneqarsimasoq.

Paasissutissanik nalunaarsuineq siornatigut Cicerop paasissutissanik nalunaarsuinnermut moduliani suliarineqartaraluartoq allanngortinneqarpoq paasissutissanik nalunaarsuinnermut atortorissaarut FBI-Kat atorlugu nalunaarsuineq ingerlanneqalerpoq

DBC-mik suleqateqarluni nalunaarsugassanik saqqummersitat ataatsimoortitat pisoqaanerusunik amigaatigineqartunik paasissutissanik nalunaarsuineq ingerlanneqartarpoq, paasissutissanik nalunaarsuineq naammassiniarlugu paasissutissat pisariaqartinneqartut nassiutarlutigut. Tamatuma kingunerisarpaa nalunaarsukkanik saqqummersitanik ataatsimoortunik nutaannginnerusunik inissitanik nalunaarsu-

isoqarsinnaasarnera.

Groenlandica DBC-p kalaallit suliffeqarfiisa taaguutaannik aamma katersisartuusup atugasaaannik kalaallit suliffeqarfiisa immikkoortotaqarfiisalu taaguutaannik katersueqataalluni suleqataasarpoq.

2025-p ingerlanerani DBC-ip DK5 Forum-ia oqaloqatigisimavarput, DK5-imi Kalaallit Nunaata ersarinnerulernissaa aammalu Kalaallit Nunaata oqaluttuarisaanera piffissanut suku-

miinerusumik agguataarneqarluarnerunissaa kissaatigigatsigit. Siunnersuutitta atorneqaler-nissaa DK5 Forumimit akuerineqarpoq, ma-annalu Kalaallit Nunaata oqaluttuarisaanerata piffissanut immikkoortitersinnaanissaa toqqa-gassaalerluni. DK5 Forumimik oqaloqateqarne-rup kinguneraa atuisunut ujaasilluni [www.dk5.dk](http://www.dk5.dk)-mi atuagaatilerisunullu atugassiami [pro.dk5.dk](http://pro.dk5.dk)-mi allattorsimaffinniittunik sammisanik ujaasinermi Kalaallit Nunaata erseqqinnerusu-mik eqqornerusumillu ujarneqarsinnaanera.

- ⊕ **46.79+** Grønlands historie ▾
  - ⊕ **46.791** Grønlands arkæologi - valgfri gruppe ▾
  - ⊕ **46.792** Nordboarkæologi - valgfri gruppe ▾
  - ⊕ **46.793** Grønlands historie indtil 1721 - valgfri gruppe ▾
  - ⊕ **46.794+** Grønlands historie efter 1721 - valgfri gruppe ▾
  - Fra 2025: Ny valgfri gruppe  
 Valgfri gruppe
    - ⊕ **46.7941** Grønlands historie 1721-1782 - valgfri gruppe ▾
    - ⊕ **46.7942** Grønlands historie 1782-1940 - valgfri gruppe ▾
    - ⊕ **46.7943** Grønlands historie 1940-1953 - valgfri gruppe ▾
    - ⊕ **46.7944** Grønlands historie 1953-1979 - valgfri gruppe ▾
    - ⊕ **46.7945** Grønlands historie 1979-2009 - valgfri gruppe ▾
    - ⊕ **46.7946** Grønlands historie efter 2009 - valgfri gruppe ▾

DBC-mi DK5 Forumi aamma oqaloqatigisi-mavarput kissaatigalugulu kalaallit takorluuk-kiat qallunaat takorluukkiaasa sumiiffigisaan-nut nuutsinneqassasut. Apriilip aallaqqaataat 2025 aallarnerfigalugu kalaallisut takorluukkiata ilisarnaataa naalisagaq "sk" nuunneqassapput, qallunaatut takorluukkiat assigalugit. Tamanna uagutsinnut alloriarneruvoq annertoq, manna-mi tikillugu kalaallisut takorluukkiat sumiiffimmi

inissillugit ilannguttariaqartarsimagaluaratsigit. Allanngueq ilaatigut isumaqarpoq "sk"-mi siunissami qallunaatut kalaallisullu ujaasisin-naanngortoqassasoq.

Aviisit atuagassiallu pillugit Det Kongelige Bibliotekimut saaffiginnippugut, taamaalilluta paasissutissanik amerlanerusunik ilanngussi-sinnaanissarput aallartisarparput.

## Assit saqqaritinneqartus- sat

Nammineq nalunaarsukkat saqqummersitat saqqaanni assinik ikkussisinnanernerput periarfissaalerpoq. Atuakkat saqqummersinneqarsimasut saqqai tamaasa scannertarpagut FBI infomullu (DBC-mit sullissivik) ikkussortalugit. Tamatuma kingorna Nunatta Atuagaateqarfia nittartagaani ujaasinermi atuakkanillu nittarsaassinermi atuakkat saqqai takusassia-

rineqartassapput, kiisalu Qallunaat Nunaanni atuagaateqarfiit nittartagaanni aammalu atuagaateqarfiit ataatsimut ujaasiffissiaanni [www.bibliotek.dk](http://www.bibliotek.dk)-mi. Atuisut qulequttanik ujaasinerminni atuakkat saqqaasa takuneqarsinnaalernerannik pissuteqartumik ujaasisarnerat piimnarnernerulissaaq.



## Oqaasileriffimmik suleqateqarneq

Oqaatsinik ujarliutinik taaguusersuineq Oqaasileriffimillu suleqateqarneq ataavartumik ingerlavoq, soorlu ukiorpassuarni taamaassimasoq.

Aprilimi 2024-mi Elisa Kirstenilu oqaatsinik ujarliutinut allattorsimaffik paasissutissanik nalunaarsuinermi atorneqartartunik nassiusipput. Januaarip naanerani 2025-mi Elisa Kirstenilu Oqaasileriffimmi sulisoq peqatigalugu allattorsimaffik misissoqqissaarpaat. Tamatuma kingorna oqaatsinik ujarliutit akuerineqarsimasut Excel-arkimut ilanngunneqarput, siunissamilu paasissutissanik nalunaarsuinermit

atorneqarsinnaanngorlutik.

Oqaatsinik ujarliutiniittut kalaallisuunngortitat Oqaasiliortukkoortinneqartussaajunnaartut paasivarput. Tamatumunnga pissutaavoq oqaatsinik ujarliutit oqaasertaasa nalinginnaasuuneri, Oqaasiliortut taaguutinik immikkut ittunik isumasiorlugit nassuiartariaqartunik suliaqarnerusarmata.

Taamaattumik maannamit Oqaasileriffimmi sulisut kisimik oqaatsinik ujarliutinik nutserisassapput. Atuagaatilerinermi taaguutit Nunatta Atuagaateqarfiani Elisamit Lisathemillu akisussaaffigineqartut Oqaasiliortukkoortinneqarumaarput.

Groenlandica ingerlaavartumik Oqaasileriffim-

mut saaffiginnittarpoq, assersuutigalugu nunat aqqi ordboginiinngikkaangata imaluunniit nunat aqqi suli atuuttussannngortinneqarsimannngikkaangata. Groenlandicap nunat aqqi atuuttussannngortinneqarsimasut atorleqartarnissaat sulissutigai, soorlu sumiiffinni aalajangersimasuni.

Saqqummersitat tamarmik Eksemplar 2-mi katersaatigineqartut atuakkanut ilisivinnut nutaanut utertinneqarsimapput. Atuakkat uppinnaveeqqutaannik pisivugut 2025-llu aasaani inissititerinitsinni katersaatillu misissoqqissaarneranni atorlutigit.



Nunatta Atuagaateqarfiani suleqatigiit allat ataatsimeeqatiginikuuagut suliaasaqarfiit suliarisartakkavut pillugit oqaluttuullugit.

Qaqugukkut paasissutissanik nalunaarsuisarnerisugut taassumalu kingorna suliaasat qanoq ingerlanneqartarnersut, allat atuagaatiminnik nalunaarsuinissaminnut suut eqqumaffigisari-aqarneraat il. il.

Sammisanik ujarlerner mi atuisut apeqqutaat qanoq pitsanngorsarlugit naammassiuminarsarneqarsinnaanersut.

Kalaallit atuakkiortuisa atuakki-aasalu saqquminilerulernissaat qanoq ataatsimoorluta nukittorsarsinnaaneripput pillugu ataatsimiinikuuvugut.

## Facebook

Sulisunik amigaateqarnek pissutigalugu 2025-mi Facebook tunulliunnikuuarput. Groenlandicap nammineq Facebookimi quppernera 2025-mi atuisunut kiffartuussinermi nalunaarutitut taamaallaat ator neqarpoq.

2025-mi aalajanger neqarpoq atuakki-lerinermik paasissutissiisartumik atorfi-nitsitsisoqarpat Facebookimi qupperner-put matuneqassasoq aamma Nunatta Atuagaateqarfiata Facebookikkut quppernerani Groenlandicap ilusilersugaa atorlugu paasissutissiisarnissamik ilikkagaqarfiusinnaasumillu pilersaarusi- orluta suliaqarumaartugut.

## Nittartagaq

Nittartagartaarput [www.katak.gl](http://www.katak.gl) januaarimi 2025-mi atuutilerpoq. Nittartakkaq taannaagin- narpoq, ilusaali ujarlersinnaanerlu allanngor- tinneqarput. Nittartakkaq iluarsaanneranut suleqatigiit pilersinneqarpoq, Groenlandicalu atuagaatilerisumik ataatsimik tassunga ilanngutsitsivoq. Groenlandicap nittartakkami quppernera ajornaallisarpurput taamaattu- millu atoruminarnerulerpoq. Kiisalu saqqaani atuakkanik nittarsaassanik Groenlandicallu quppernerani atuakkaat saqqaannik nutaanik ilisitalerpuq.

Groenlandicap nittartakkami quppernera piuminarsarpurput atoruminarnerulersillugu. Atuakkanut paasissutissat atuisunit takuneqar- sinnaanngorlugit ilusissaanik suliaqarpugut. Quppernerput siulleq paasissutissanik elektro- niskiusunik imalik internet aqqutigalugu neqero- orutit ataatsimoorutit quppernerannut nuunne- qarpoq. Tunniussisussaataitanermut tunngasoq paasisitsiniaalluni filmiliaq upernaakkut 2024-mi KNR-ikkoortinneqartoq YouTube-mut ilineqar- poq quppernitalu saqqaani takusassiaralugu. Nittartakkami Groenlandicap paasissutissaata- ai suliaralugit nangeqqinneqassapput.

## **Atuagaateqarfik pillugu paasisassarsiortitsineq atuagaateqarfimmullu pulaarneq**

Groenlandica Nuummi Nunattalu sinnerani meeqqat atuarfianneersunit ingerlaavartumik pulaarneqartarpoq. Pulaartoqartillugu Groenlandicamit tunniussisussaataaneq katersugaatillu saqqummiunneqartarput. Katersugaatit pillugit paasinninnerulernissaq anguniarlugu aammalu kinaassutsimik kulturimillu paasinninnerulersitsitsiniarluni atuagaatit pulaartut aggerfiannut tunngasut soqutiginartulluunniit takutinneqartarput.

## **Pikkorissarnerit isumasioqatigiinnerillu**

Januaarip 9-anni 2025-mi atuagaateqarfiit ataatsimoorussamik systemianut 2.0-mut tunngasumik internet aqqutigalugu isumasioqatigiinnermut Avijaja Henriettelu peqataapput.

DBC-imik paasissutissiinnermut ullorititaq: Ujaasineramik, AI-imik atuagaateqarfimmilu datanik ineriartortitsinnermut paasissutissat aamma Bibliotek.dk, Netpunkt.dk aamma Faktalink pillugit nutaarsiassat kingulliit. 29.01.2025-mi Kirsten peqataavoq.

Paasissutissanik nalunaarsuisartunut attaveqaatit nutaat aamma populærseriat pillugit internet aqqutigalugu isumasioqatigiinneq. Maajip 12-anni 2025-mi Avijaja Kirstenilu peqataapput.